

萊蕪縣志

禮



萊蕪縣志序

縣志一書非掌故之書也爲資一邑之治而作也蓋古者親民之官旣因時以爲治矣而又必稽之已往之蹟凡一邑之沿革戶口之多寡風俗之美惡閭閻之疾苦政教之良楛人物之盛衰靡不研求攷證而得其要領然後施之於政無拘滯偏頗之弊古昔治化之隆蓋由於此顧此已往之蹟近或至數百年遠或至數千年懸隔時日散漫無紀非薈萃成帙何以爲資治之用故自宋而後郡縣之志接踵而興而一二文人學士亦或編輯成書藏之於家以備官修之闕是豈自矜掌故之學哉蓋欲有資於治而已矣萊蕪縣志始於葉學亭氏失修已二二三百年予自去歲承乏此邑搜

萊蕪縣志

卷首

序

濟南啓明印刷社承印

求其書渺不可得竊怪官旣失修而一二文人學士亦不聞有廣續而成之者良可深惜已而邑人王君墨卿告予舊志散佚久矣渠外叔祖張雪安先生及渠尊人輯有成書今將付印知予之留心於是也因祈一言以爲序予謂萊志之有無其有關於萊邑者豈掌故之謂乎官不暇爲而邑人自爲之亦可謂識資治之要矣予不敏尙欲因已往之蹟研求攷證得其要領以免拘滯偏頗之弊簡端之言其曷敢以不文辭因粗舉夫縣志所以資治者而爲萊人告焉若僅視此爲掌故之書則非予之所敢知矣壬戌夏署萊蕪縣知事瀘縣王肇杰序

萊蕪縣志序

周官外史掌方志是史與志合扶風易書爲志則史與志分然志  
闡史裁則俚夾深以爲難至區爲邑志則更有難且重焉者蓋邑  
志非徒備掌故已也舉凡地域山川戶口賦入學校典禮習尙人  
才展玩瀏覽無不犁然在目古所詔地事觀事胥賦此爲根據合  
而爲省志一統志亦眡此爲導源卽新政之改良發展亦以此爲  
把握政教所關豈不急之務哉朱子守南康下車卽徵郡志者此  
物此志也第輯志之難首虞文獻不備次虞開報不公而關鍵總  
在於文獻昔陸清獻宰靈壽時奉部檄徵志書急當時民獻凋謝  
遺文墜地將伯四顧著手無從穆然徒見滄沱流大行時而已幸

萊蕪縣志

卷首 序

濟南啓明印刷社承印

有傅氏維樸閱舊志之就湮悲來者之無藉網羅方聞彙輯成編  
藏於家塾清獻蒐求付梓便如披荆榛而獲完璧眞定三十二縣  
而靈壽不至獨歎夫陸沈文獻所繫不綦重歟吾萊志書創於葉  
明府值前清景運熙洽之會亦吾邑人文鼎盛之期二百年來甲  
門盛德浩如烟雲之過目且舊志散軼棗梨漫漶累紙讐對往往  
不能卒業徒令人廢書浩歎而已尤可悲者問冠山幾如靈鷲能  
飛詢祝其則如瑯琊善徙夾谷爲聖蹟所留究依何山何水止羸  
傳子與芳躅碣係何落何村經傳所載尙未見地著能詳况地俗  
質文盛衰之故人事變遷得失之由而欲索南董於局外逝水更  
誰問哉馬邠陽所謂雖聖人不能爲臆說者也族弟雪安蚤歲卽

有見於此業帖括而志未逮也甲午歲邑侯周公倡議修舉委雪  
安執牛耳乃功未半而格於事嗣後雪安觀政容臺崎嶇淪鼎之  
會義不及鄉井者十餘年民國以來杜門謝客討論古今斟酌名  
例蓋無日者不以博採參訂爲事丙辰張公蒞茲土與雪安函面  
交商決議修舉乃未開辦而又格於事愚於雪安誼如蘇長公言  
兄弟而友生者也乃函告之曰文章憎命吾輩素有達觀生茲土  
無負茲土亦惟踵靈壽故事以待稼書其人可也間一歲而書成  
分門十爲卷二十有二舊志蓋嘗是正俾愜於信今新志務希精  
覈倍懷於傳後雖合否史裁不敢妄議然於地事觀事之詔及省  
志一統志之修夫固有實錄在焉覽者援靈壽傳氏之孤詣而因  
萊燕縣志

卷首

序

二

濟南啓明印刷社承印

識夫今日作者之苦心則是書雖千古可也若謂一邦之文獻在  
是諒非作者之所及知矣己未春同人慇懃勸付手民故於現世  
體例未暇續究留以俟後之君子己未三月張餘九序

萊蕪縣志序

縣志一書一縣之地理歷史也山川道里風俗物產文化政治德行道藝言論事功畢具於是邑人生於斯長於斯處千載而下而默接千載以上之精神伏斗室之中而備悉數百餘里之情狀凡所以居今稽古食舊服先式典型之尙存而維世道人心於不敝者悉於是乎賴自帖括廢而學科興童子畧通文義卽授之東西歷史中外地理以擴其見聞廣其知識稍長復選擇聰穎者使之遊學各國以宏其造就國家作養人才之方至矣備矣然往往有史書讀萬國足跡遍五洲高談闊論自矜淹雅及叩其里居之形勝故土之沿革與邑先達之嘉言懿行流風餘韻乃竟瞠目咋舌

萊蕪縣志

卷首

序

一

濟南啓明印刷社承印

赧赧然不能置一辭使之執筆爲鄉區圖南轅北轍錯誤叢出厭小而務大忽近而圖遠數典忘祖貽識者譏今之時髦大率類是揆厥所由雖因所學之本末後先不無倒置要亦邑乘缺乏不能校置一編以供後生小子之流覽故空疎之弊至於此極也然則縣志一書其關係顧不重哉吾萊志書失修已二百餘載光緒甲午之歲邑令周慕僑邑紳呂黻卿等倡議重修推張雪安先生主總纂之任書未成而中寢而先生旋供職儀曹其事遂闕民國成立先生挂冠歸里於是檢點舊稿正其謬誤補其缺畧博訪周諮旁徵遠引用書有百餘種之多歷時至六七年之久稿五六易而書以成以無力付梓與余分鈔成帙藏諸篋笥以供後來修志者

之採擇小兒化濡恐其久而散佚也鳩合同志六七人捐薪付石

以廣其傳議既成浼余爲文以序之余素不文卽強之爲文亦不

足爲邑乘光顧念先生之潛心於是書也若是同志請君復能成

先生之美也若是余不敏得與先生商榷其格式訂正其謬訛編

輯校閱克効綿薄亦不無土壤細流之一助焉君子之道譬如行

遠必自邇譬如登高必自卑是書所載雖不出乎一邑之掌故然

使後生小子得因是而識率由資感發恭敬桑梓矩矱先民則盛

德大業將於是乎基之人材盛而教化興而人心之醇風俗之厚

抑又可知焉此作是書者之微意也是書之宜修盡人皆知而此

作書者之微意恐未必盡人而能知之也余雖不文何敢避譏陋

萊蕪縣志

卷首

序

二

濟南啓明印刷社承印

之譏而不以此意昭示來茲致有負作者之苦心耶是用揭其巔  
末以弁諸簡端至文字之工拙誠有所不暇計也已未上元邑人

王希曾序

萊蕪縣志序

萊志失修二百餘年舊志散佚文獻無徵有志之士輒用爲深憾光緒甲午邑侯周慕僑及邑前輩呂黻卿提倡重修邑人樂於觀成極力採訪惜未及數月而罷予憫一邑之掌故久而遂湮因於暇日搜集故事考其山川道里創爲志稿將鈔存於家以俟後之修志之人如所云資料也者未及蒞事而予北上自是十餘年未遑過問辛亥歸田家居無事檢視舊稿頗有散亡於是重加綴輯補其闕略正其謬誤適畢君秀軒王君景沂各以圖說相餉因邀景沂同訂稿凡四易歷三四寒暑引用書至百餘種而後克成蓋承舊志散佚之後又重以二百餘年之事蹟不敢掉以輕心故也

萊蕪縣志

卷首

序

一

濟南啓明印刷社承印

書成將以付梓而或者以縣志官書也不宜於私修且是書之行非今所急爲疑予惟今日之所急孰有大於正人心維風俗者乎而今日人心風俗之壞實由於奇袤之士倡爲文明進化之說俾人人絕其舊日之觀念以放縱自恣而無以發其固有之良起於一二人禍遂中於天下吾邑雖偏僻然風會所趨其隨波逐流蔑棄其先正典型而不知自返者亦往往而是誠使讀是書者攷羸牟之故邑而思舊德之名氏辨淄汶之沃原而思先疇之畎畝孔孟轍迹所經穆然而動其景行之念范韓循聲所被舉然而發其沒世之懷以及吳夫子之教澤不存譚居士之家法誰繼俯仰今昔慨歎流連則孝弟忠信之心必有油然而生者然則吾萊人心

風俗之轉移將於是書之行卜之今必欲倡文明進化之說以蔑棄其先型則是書誠非所急若猶以人心風俗爲事則所急孰有大於是者乎而又何疑焉至志乘之成於私修者在昔不可殫述如康對山之武功縣志韓五泉之朝邑縣志其書皆盛行於世而其義例之精嚴條理之周密反有遠過於官修者且鄉者予固云將以俟後之修志之人如所云資料也者非敢以是爲官書也梓而行之誰曰不宜戊午十二月朔邑人張梅亭序

萊蕪縣志序

邑志編纂旣成或問於予曰縣志史屬也史之修設局置官用纂修若干人校錄若干人經年累世而後成書故其書足以信今傳後今縣志成於一二人之手不修於官而修於野得無貽野史之誚乎予應之曰是固然然野史之所以取譏者有三攷據不精也體例不嚴也褒貶不公也反是則何譏之有是書雖不敢比於古之作者然折中於經徵實於史取材於應用諸書不得謂全無攷據也有地理而後有建置有官師而後有政教有學校而後有選舉藝文人物其次序井然志表不戾乎史漢門類取法乎三通其義法犁然不得謂全無體例也縣志有褒無貶今人物志一本於舊志府志通志於褒之中又加慎焉不得謂任意褒貶也夫志修於官固善矣然若韓之志朝邑康之志武功張之志濟陽非成於一二人之手乎成於一二人者爲野史則馬班范陳歐陽之書皆野史矣昔范石湖修吳郡志人曾詆爲僞書今子之譏亦何損於是書哉問者唯唯而退時小兒其釗方校錄志稿因命錄之以弁諸簡端辛酉十月邑人張式儒序

萊蕪縣志

卷首

序

一

濟南啓明印刷社承印

萊蕪縣志

例言

一萊志始於宋尉鍾離脩其書不傳其撰於明嘉靖中陳邑侯甘雨者爲舊志今所傳殘闕之本則康熙十一年葉邑侯學亭氏所續修者也鍾離書既不可見葉書所存者僅寥寥數十頁而已是編編摩於墜緒茫茫之際采輯綴拾不留餘力時閱廿年之遙稿凡數易而定雖曰相因實創舉也

一是編以葉書爲藍本而加以考訂自康熙以來則取材於通志府志家譜碑誌詩文專集及所目覩耳聞者原志十卷茲增爲二十二卷非求多於前人也承二百餘年失修之後不敢刻意

萊蕪縣志

卷首

例言

求簡以蹈事增文簡之陋說耳

一志地以圖爲要然非深明夫製圖之法則圖必不精非親歷其地詳察夫山之脈落水之源流道里之遠近村鎮之方所則雖精必不確此自古輿圖所以少善本也近來繪圖之法日益發明不患其不精所慮者未必確耳是編之圖見聞既審而計里畫方迂直方邪高下又能略仿裴氏六法精確雖不敢言而尙不至貽南轅北轍之譏

一原志缺略舛訛殊多大者如汶水經支混淆源流歧誤呼牟爲浯昧青兗之殊源援北及柴忘泰新之異壤舊萊蕪城不知在今博山舊博城不知非城子縣雖云相沿之有誤實屬攷訂之

未確是編地理以水經注爲主而雜引他書以資辨證一洗從前襲謬沿訛之弊惟恐採摭未備抵牾仍所不免後之修志之君子匡其不逮可也

一藝文有志肇自班氏但載書目不錄文字是編一遵班例

一人物志中各門類悉遵通志其邑中人物原入通志各門類者一仍其舊

一斷代爲書史家通例是編止於宣統三年壬子以後姑付闕如識者諒之

一邑志倡修始於光緒甲午其時周慕僑邑侯爲監修呂黻卿先生爲提調與編校之役者有王君書玉張君丹臣魏君子明王君少舫王君孟止等採訪有盧君棟臣景君宗藩等書雖未成而諸君提倡之功不可沒也昔王濟之姑蘇之志發端於吳寬張習都穆吾於是書亦云

邑人張梅亭識

萊蕪縣志

卷首

例言

二

濟南啓明印刷社承印

萊蕪縣志編校姓氏

編輯

張梅亭雪安

王希曾景沂

校閱

鄭錫民牧之

張惠芬柳橋

張其釗勉齋

王化濡墨卿

畢明先曜東

萊蕪縣志

張凌雲柯丞

繕寫

趙樹聲金甫

張述曾伯言

張緒曾洪基

萊蕪縣志目錄

卷首 序 例言 編校姓氏 圖攷

卷一 地理志 沿革 疆域

卷二 地理志 山

卷三 地理志 汝瀕二水 泉源

卷四 地理志 古蹟

卷五 地理志 名勝

卷六 地理志 編里

卷七 地理志 風俗 物產

卷八 建置志 城 署廨 祠壇 倉廩 橋梁

萊蕪縣志

卷首

目錄

濟南啓明印刷社承印

卷九 官師志

卷十 官師表

卷十一 田賦志 戶口 田制 賦役 征權

卷十二 學校志

卷十三 選舉表 進士 舉人 武舉人 貢生

卷十四 選舉表 文仕 武仕

卷十五 藝文志

卷十六 金石志

卷十七 人物志 名臣 循吏

卷十八 人物志 儒林 文苑

卷十九 人物志 忠節

卷二十 人物志 孝義 隱逸 技術 流寓

卷二十一 人物志 列女

卷二十二 大事記

跋

捐印姓氏

萊蕪縣志 卷首



目錄

二


濟南啓明印刷社承印



萊蕪縣南段分圖  
每方十里



圖例  
 界線 路道 山水 城鎮 村落 關  
 〰〰〰 〰〰〰 〰〰〰 〰〰〰 〰〰〰 〰〰〰



萊蕪縣志

卷首圖

三

濟南啟明印刷社印